



Broj: 01/2-50-3-2-8/23

Veza broj: 01,02-50-18-1288/23

Sarajevo, 24. 7. 2023.

24-07-2023

**PREDSTAVNIČKI DOM
PARLAMENTARNE SKUPŠTINE BiH
PREDSJEDAVAJUĆEM DOMA**

Na osnovu člana 32. stav (1) i člana 45. stav (1) tačka e) Poslovnika Predstavničkog doma Parlamentarne skupštine Bosne i Hercegovine ("Službeni glasnik BiH", br. 79/14, 81/15, 97/15, 78/19, 26/20 i 53/22), Komisija za vanjske poslove Predstavničkog doma Parlamentarne skupštine BiH predsjedavajućem Predstavničkog doma Parlamentarne skupštine BiH podnosi sljedeće

**MIŠLJENJE
o Izvještaju o radu Vijeća ministara BiH za 2022. godinu**

Vijeće ministara BiH je 8. 6. 2023. Predstavničkom domu Parlamentarne skupštine BiH dostavilo Izvještaj o radu Vijeća ministara BiH za 2022. godinu (u daljnjem tekstu: Izvještaj).

Kolegij Predstavničkog doma je na 14. sjednici, održanoj 5. 7. 2023, odlučio da Izvještaj dostavi komisijama Doma i pozvao ih da u okviru svoje nadležnosti razmotre Izvještaj i Domu dostave svoja mišljenja.

Komisija za vanjske poslove Predstavničkog doma Parlamentarne skupštine BiH (u daljnjem tekstu: Komisija) je na 8. sjednici, održanoj 24. 7. 2023, u svojstvu nadležne komisije, u prisustvu predstavnika Ministarstva vanjskih poslova BiH, razmatrala Izvještaj u dijelu koji se odnosi na rad ovog ministarstva.

Nakon rasprave, Komisija sa tri glasa „protiv“, dva glasa „za“ i jednim glasom „suzdržan“, nije prihvatila Izvještaj o radu Vijeća ministara BiH za 2022. godinu, i to u dijelu koji se odnosi na rad Ministarstva vanjskih poslova BiH.

PREDSJEDAVAJUĆA KOMISIJE

Darijana Filipović

Dostavljeno:

- Kolegiju Predstavničkog doma
- Indoku
- a/a